

校補安南棄守本末

安南棄守本末

永樂二年八月乙亥安南故陪臣裴伯耆來告急奏曰臣
世事安南陳氏祖父皆為執政大夫死於國事臣母實陳
氏近族故臣自少侍國王受爵五品後隸武節侯陳渴真
為裨將洪武二十二年代渴真領兵出東海禦寇而奸臣
黎季犛父子弑主篡位屠害忠臣滅族者以百十數臣兄
弟妻子亦被收戮遣人捕臣欲加葅醢臣聞事變棄軍遁
逃轉入山林深居窮僻與蠻獠猿狖雜處耿耿忠誠鬱抑
無告近聞皇上入登大寶統正萬方思欲瀝膽披肝請
滅此賊履險乘危得至境上與商人員任抵冒而出今年

四月始到思明官司接送幸覩 天日臣切惟奸臣黎季

犖乃故經畧使黎國耄之子世事陳氏叨竊寵榮及其子
蒼亦忝貴仕一旦得志遂成弑奪改姓名胡一元子曰胡
忞僭號改元不恭朝命肆害下民百姓銜冤呼天叩地忠
臣良士疾首痛心臣義激于中妄干天聽願廣一視之仁
哀無辜之衆興弔伐之師隆繼絕之義臣等負弩矢前進
導揚天威忠義之徒必當雲合響應禽滅此賊盪除奸兇
復立陳氏子孫使主此土則區區遠夷仰戴聖德恭脩職
貢永作外藩臣不才竊效申包胥為人敢以死請伏望
陛下哀矜 上憫之命有司給衣食

永樂二年八月庚午朔占城國王占巴的賴遣使部該序
罷尼來朝貢犀牛及方物且奏曰前奏安南攻擾地方
殺掠人畜仰蒙降勅諭使息兵而其國王胡套不遵聖
訓今年四月又以舟師侵入臣境民受其害近朝貢人回
所賫賜物皆被拘奪又逼與臣冠服印章使為臣屬且已
占據臣沙離牙等處之地今復攻劫未已臣恐不能自存
願納國土請吏治之上怒命禮部遣使賫勅諭而賜
占城使者鈔幣

永樂二年八月庚午朔老撾軍民宣慰使刁線歹遣使護
送前安南王孫陳天平來朝奏曰臣天平前安南王烜之孫

天明之子曰燿弟也日燿恭遇天朝率先歸順 太祖高
皇帝封為安南王賜之章服在位二年而卒其弟暉之立
亦止二年子覲繼之賊臣黎季犛當國擅作威福覲稍欲
抑損季犛殺之而立覲子顓國之大權盡出季犛與其子
蒼左右前後皆樹逆黨顓惟拱手而已未幾復弑顓而立
顓子案蒙然幼稚尚在襁褓季犛父子乃大殺陳氏宗族
并案弑之而取其位更姓名胡一元子曰胡亥自謂爵裔
胡公滿之後遂改國號大虞季犛僭號太上皇子亥為大
虞皇帝臣以先被棄斥越在外州方季犛父子志圖篡奪
臣幸以遠外見遺臣之僚佐激於忠義推臣為主以討賊

復讐方議招軍而賊兵見迫倉皇出走左右散亡逆黨窮
追放兵四索臣竄伏巖谷採拾饑餓困阨萬死一生久之
度其勢且衰息稍稍間行艱難跋涉以達老樞然老樞多
事不暇顧臣瞻望朝廷遠隔萬里無所控告屢欲自絕苟
且圖存延引歲月忽讀詔書知 皇上入正大統率由舊
章臣心欣忭有所依歸然以抱疾積久至于今年始獲躬
覲 天顏伏念先臣受奉 太祖高皇帝世守安南恭脩
職貢豈謂此賊造福滔天悖慢聖朝蔑棄禮法累行弑逆
遂成篡奪陳氏宗屬橫被殲夷所存者唯臣而已臣與此
賊不共戴天伏望 聖恩俯垂矜憫因叩頭流涕又言賊

臣季犛已老詭謀逆計多出黎蒼攻劫占城欲使臣屬又
侵掠思明府奪其土地究其本心實欲抗衡上國暴征橫
斂酷法淫刑百姓愁怨如蹈水火臣之祖宗世尚寬厚今
國人嗷嗷頗見思憶 陛下德配天地仁育四海一物失
所必有未安伐罪弔民興滅繼絕此遠夷之望微臣之大
願也 上憐而納之命有司賜居第月給其廩餼

永樂二年十二月安南賀正旦使者既至 上命禮部出
陳天平示之使者識其故王孫也皆錯愕下拜有感泣者
而裴伯耆亦責使者以大義皆惶恐不能對 上聞之謂
侍臣曰安南胡套初云陳氏已絕彼為其甥權理國事請

襲王封朕固疑之及下詢其陪臣父老皆曰然朕謂陳氏
以壻得國今奪以甥繼之於理亦可乃下詔封之孰知其
弑主篡位僭號改元暴虐國人攻奪鄰境此天地鬼神所
不容也而其臣民共為欺蔽是一國皆罪人也如何可容
永樂三年正月遣監察御史李琦行人王樞賁勅往諭安
南國王胡套曰朕君臨萬方以至誠待物昔爾套奏云前
王陳氏宗祀已絕爾為其甥眾推權理國事主祠祭告求
襲爵朕頗疑之勅詢爾國陪臣耆老皆以為實故下詔封
爾為安南國王去年老撾送陳氏之孫天平來朝言爾本
黎姓父一元名季聲爾名蒼皆其臣屬三弑國主篡奪其

位遂更今姓名自謂舜後國號大虞爾父僭稱太上皇爾
為大虞皇帝改元紀號其言甚悉朕初未信及爾所遣使
來使天平見之皆錯愕下拜亦有感泣者則爾之不道灼
然明甚安南國土陳氏之先稟命於我太祖皇帝世世
相傳修其職貢爾為陪臣屢行篡弑奪而有之罪惡滔天
不亡何待若占奪祿州等處之地蓋罪之小者勅至爾
其具篡奪之故以聞

永樂三年二月雲南寧遠州土官同知刁吉罕奏云臣所
轄猛慢等七寨本臣祖宗故地近被安南攻奪又擄掠臣
壻及女并人民畜產徵納差發驅役百端臣世奉中國職

貢今橫被虐害實所不堪惟朝廷矜憫 上命禮部遣使
賫勅諭安南胡奭日前遣御史李琦等問爾弒主篡位僭
號改元之事今寧遠州復奏爾奪其猛慢等七寨擄其壻
女掠其人畜徵納差發驅役百端事果何如具以實對
永樂三年六月安南胡奭遣使臣阮景真等隨監察御史
李琦等入朝上表謝罪具奏曰臣奭父子實安南陪臣且
連姻戚事其先王亦頗盡心豈敢篡弒以犯大僇蓋緣陳
氏多難子孫喪亡以至於盡臣實其甥謬當衆舉權理國
事以主其祭遭遇 聖明錫以封爵奉承惟謹常懼有愆
叢爾島夷僻在荒服豈敢僭號改元欺天罔 上天平本

陳氏宗族久棄在外不謂尚存悠悠之言自此而致 聖
恩宏貸遣使下問臣請迎歸天平以君事之其祿州等處
猛慢等寨亦即令退還已遣人往各處交割地界伏望
皇上天地父母恕臣狂愚赦臣死罪臣不勝悚懼瞻望之
至 上嘉納焉

永樂三年七月甲辰遣行人聶聰等賫勅諭安南胡套曰
阮景真等來得奏具悉朕惟 天地生物出於至誠聖人
代天理物亦以至誠為本故其下皆以誠應朕用此道君
臨萬邦推心待人無間遠邇然慮爾習於變詐或未盡誠
今復遣人諭爾果誠心應朕盡革前非迎還天平以君事

之朕當建爾上公封以大郡傳之子孫永世無窮朕之斯
言上通於天伋俟來章以頒顯命遂遣景真等與聰同行
永樂三年十二月丁丑安南胡袞復遣阮景真等同行人
聶聰等來朝奏曰伏蒙勅書諭使攄誠臣對越天地敢有
二心所或攜貳明神殛之今遣陪臣阮景真等恭賀正旦
且迎還天平臣亦當率國人逆於境上而行人聶聰等亦
力言袞誠心恭命上許之

庚辰勅安南王孫陳天平曰前得胡袞奏深自改悔請迎
還爾以君事之朕以一國不可二主慮袞不實再使往問
許以上公封之大郡今袞復奏誓無二心仍遣阮景真等

迎爾套謂當躬迎於境上朕惟道貴適中禮有從宜今遣
廣西總兵都督黃中等以兵五千納爾於國其任治以行
勅廣西總兵官征南將軍都督同知韓觀左副將軍都
督僉事黃中右副將軍都督僉事呂毅令安南胡套遣使
來迎前國王孫陳天平歸國以君事之朕推誠待物茲特
遣還爾等選兵五千黃中呂毅將之待天平至送之還國
尤宜審度事幾以為進退不可輕忽

永樂四年正月前安南王孫陳天平陸辭奏曰臣亡國餘
孽荷 陛下大德煦育生成得反故國承已絕之宗復已
失之位是使亡魄再生朽骨更肉臣雖庸愚實切圖報尚

望 陛下天地父母曲垂恩顧終保餘齡臣生當殞首死
當結草 上曰自古亡國出奔之君如齊桓晉文皆內有
主之故反國而安今爾無主於內徒朕為主於外事之委
曲尤切朕心爾其明以燭微智以防患仁以卹下寬以容
衆庶無後憂賜綺羅紗衣各二襲鈔一萬貫命廣西參政
王麟送之勅封胡忒為順化郡公盡食所屬州縣遣其使
阮景真等還

三月是日安南胡忒刼殺其前國王孫陳天平時鎮守廣
西都督僉事黃中等以兵五千護送天平至丘溫忒遣陪
臣黃晦卿等以廩餼迎候及牛酒犒師晦卿及諸從者見

天平皆拜舞踊躍中問晦卿套不至何也曰安敢不至屬
有微疾已約嘉林奉迓矣中遣晦卿還促套且遣騎覘之
往來皆無所見而迎者壺漿相續於路中以為實遂徑進
度隘留雞陵將至芹站山路險峻林木蒙密軍行不得成
列且遇雨潦忽伏發大呼劫天平遠近相應鼓譟動山谷
寇且十餘萬中等亟奮兵擊之寇已斬絕橋道不得前其
賊帥遙拜且言曰遠夷不敢抗大國犯王師緣天平實疎
遠小人非陳氏親屬而敢肆其巧偽以惑聖聽勞師旅
死有餘責今幸得而殺之以謝天子吾王即當上表待
罪天兵遠臨小國貧乏不足以久淹從者中不得進引兵

還時大理寺卿薛嵩被謫在廣西中舉以輔行天平之被
劫也嵩在其中卽自經死嵩陝州閩鄉人慷慨負志操有
政治才富厯官鎮江知府民皆德之

四月鎮守都督僉事黃中等奏安南胡奩劫殺陳天平事
上大怒謂成國公朱能曰蕞爾小醜罪惡滔天猶敢潛伏
奸謀肆毒如此朕推誠容納反為所欺此而不誅兵則奚
用能等皆曰逆賊罪大天地不容臣等請仗天威一舉
殄滅之上遂決意興師

四月上視朝罷御右順門召成國公朱能新城侯張輔
謂之曰安南黎賊罪大惡極天地所不容今命爾等將兵

討之爾等由廣西入西平侯由雲南入度用師幾何能等
對曰臣聞仁不可為衆也蓋仁義之師天下無敵陛下
以至仁伐至不仁臣等奉揚天威雷一鼓掃滅師之多
寡惟上所命上壯之

七月辛卯命成國公朱能佩征夷將軍印充總兵官西平
侯沐晟佩征夷副將軍印為左副將軍新城侯張輔為右
副將軍豐城侯李彬為左叅將雲陽伯陳地為右叅將率
師征討安南黎賊命兵部尚書劉儁贊軍事命都指揮同
知程寬指揮僉事朱貴等為神機將軍都指揮同知毛八
丹朱廣指揮僉事王恕等為遊擊將軍都指揮同知魯麟